


OMUKWETU

Registered at the General Post Office as a Newspaper



Mondjugo ndjika onene omo tamu ka gongalela aayenda yoshigongi shevangeli shoka tashi ka kala ko 16-25.1974 muSwitzerland. Tala ehokololo kepanja 2.

EYAKULO LYEVANGELI MOMALUKANDA

Pakotampango lyOngerki ya Elok, Ongerki otayi si oshimpwiyu pwaa kale nando ehala limwe moongamba dhayo nenge pondje yayo mpoka aantu yayo itaa mono nando ompito yokukwatathana nevangeli tali hupitha, onke aanashilonga, aavithi mongerki ndjika ompumbwe itayi ka manwa po nuupu.

Shono tashi imbi okumanapo ompumbwe ndjika yaavithi mongerki ndjika osho unene etaandelo lyomahala koombinga noombinga moka aantu oyendji taa gongelwa mo ngele kiilonga nenge kuukwatya ulwe tau zi mehumokomeho. Omahala ga yakulwa kuyele meyakulo lyevangeli ogo ngaka:

Onguta mokati kolukanda lwaLuno, pOndjondjo, Oshakati moshilando oshipe shepangelo mOwambo, nomoNkarapamwe molukanda lwoshilando shEvangelo lyaKavango. Aasitagongalo aayakuli momahala ga tya ngeyi otaye tu hokololele onkalo yiilonga yawo pafupi:

Omusitagongalo Reinhold Muremi moNkarapamwe, ota ti kutya okuza sho ongerki ya tungu ekuma lyongerki moka aantu taa vulu okugongalela noongamba sho dha uthwa, osha eta enyanyu olindji mokati kaakriste.

Momakuti goongamba dhegongalo ndyoka omu na wo aakriste oyendji, Aakawangona nAyelele, mboka ya kanitha nale ekwatathano nongerki sho ya falwaa-falwa kiilonga yokuhonga omiti nomolwilmuna. Aantu ya tya ngeyi ope nuudhigu okuthika kuyo nando ye na ondjuulukwe yeyakulo lyopausita.

Otashi nyanyudha unene sho mokati kAayelele mwa holoka ombepo yokulongela Kalunga. Kombinga yetalelopo lyomagumbo osha dhigupalekwa kethimbo ndyoka aantu ye li na omolwiilonga yoholomende.

Kombinga yaShakati, tate Kleopas Dumeni, okwa tempelwa kutya kape na nando gumwe ta si oluhepo lwelongelotaalo. Ayehe otaa longele ongerki nenge omaitaalo ngashi taga adhika mo.

Ihe okwa kumagidha aasita yaa tokelwe uuna taa indilwa ompito yeyakulo lyomukriste gwawo e li mOshakati yaa sithe aakwanegongalo uunye yo ya ka landule omalongo galwe moka inaa putudhilwa mo. Omalongekidho omanene oga kwata miiti megongalo ndika opo li ninge egongalo li ithikamena nge tashi wapa omumvo tagu ya.

Ihe oshinima sha simana sha etwa komutonatelishitayingerki shaUkwanyama lwotanga moshigongi shaasita nonando inashi hila omadhiladhilo goshigongi, osho oluhepo lwaanahambo. Muuzilo waUkwanyama nowaNdonga, osho wo mUuninginombugantu wOwambo omu na ongondu oonene dha kanitha ekwatathano nongerki omolwoshimpwiyu shiimuna. Oyo wo aantu kaa vulu okukala kaaye na elongelotaalo; ngele lyomuKalunga tali pwine mo, otamu pingewa kulyomusindilo gwiimuna ngaashi lya longithwa shito.

Meme Leena Rapponen pombanda ngoka a longekidha etalelopo naa ngoka e enditha meme Kayuhwena noshilongo a shihe sigo Lapland noshihauto she mwene.



Twa galuka nawa, tangi komagalikaneno geni

Oshitayi shaakongindjilakadhona Salpaussallia yokuSoomi shoka sha landele ndje omawawa ndi vule okutuka sigo kOsoomi muApilili sigo Juli 1972- Nampongo ne mu yambeke. 1Kor.9:8-15

Aatumwa nani ohaa zi kokule taa! Osha kumitha ndje okutala unshitwe wevi wa gamenwa wo opala lela. Ombepo ya talala nawa aluhe tayi zi momatale gomeya omayeleele she, gaa na nando uupuka nomayoka ge na uuzigo. Uuyuni ulwe tuu shili, uuyuni wolumi nuyelele nonando kau na uusiku.

Aasoomi oye etwa kushike sho ya taagulukile omafuta yu uka kuAfrika yo kaa na iipindi?

Onda talele po aakongindjila momagongalo miilando oyindji sigo Lapland molundume lwaSoomi. Onda dhimbulula ombepo ombwanawa yuukongindjila. Nani Aasoomi oyendji aakongindjila.

Opwa piti ngashingeyi omimvo 62 sho uukongindjila wa tamekwa muSoomi. MuHelsinki moshilando shepangelo omu na ombelewa onene ya hangana moka aakongindjila aamati naakadhona taa gongala kumwe okuhumitha oshilongayakulo komeho mevi lyawo. Ohaa longitha "ooparadi" omathimbo nomathimbo momathimbo momumvo, moka aakongindjilakadhona naamati taa ya nomapandela gawo. Ya hwama mohole yokuyakulathana nokuhola evi lyawo.

Eputudho lyuukongindjila muSoomi oli na ekwatathano enene nomagongalo apehe

mpoka nda talele po. Onda kala omuyenda gwegongalo, gwoongundu dhuukongindjila naagundjuka ayehe. Nesimaneko oya pulakene nohokwe ehokololo lyOwambo etumo pethimbo ndika nuukongindjila wetu mOwambo, nekwatathano nuukongindjila muAfrika.

Otandi simaneke oongundu odhindji dhomatamo muSoomi sho tadhilongo oshilongatamo niikaha nomaliko gawo, nokugalikanena etumo nomahodhi taga tondoka momohe omolwohole yomushitwa gwaKalunga a hupithwe.

Yamwe inaa enda nando momapya getumo moluukokele noshu tuu, ihe oyo naanaa taa taandelitha oshilongatamo unene mokwaamonika. Kalunga ne ya yambeke, noku ya koleka natango.

Oshilonga otashi longwa wo kaatumwa mboka ya longo nale naamboka mu li metumo ngashingeyi. Nampongo ne mu koleke nuuyamba weni. Nani omwe ya kuAfrika omolwohole ayike.

likwatha twe yi pewa omoluukongindjila mOwambo oya holola ohole yawo yuukongindjila mombepo yetumo. Egongalo lyomukuluntu guukongindjilakadhona mOwambo, meme Raija Salmi, Youtjörvi muSoomi, olya uvaneke okulonga oshilongatamo mokukwatha uukongindjilakadhona mOwambo.

Omulongi omukulu gwonale mOnandjokwe, meme Greta Airaksinen, okwa taamba nomaako agehe oshimpwiyu shokukwatha
Tala kepandja tali landula

“Omukwaniilwa gwoye ote ya, mu egululila!”

Eps. 24:7-10

Epsalmi 24 olyo eimbilo li imbwa nomuuyuni wEtestamendi Ekulu koshigwana shaKalunga, Israel, okutanga nokusimaneka uunenenkondo wOmuwa Kalunga klsrael meshito lye nepangelo lye, sho ta pangele eshito alihe. Otali holola wo shoka Omuwa Kalunga klsrael a hala shi kale moonakumulongela mboka taa ya kontempeli oku mu simaneka noku mu yambela omafikilondjambo nomahambeledondjambo.

Moovelise 7-1 omu na eimbilo lyezimina thano hali imbwa nokuyamukulathana kumboka ye li meni lyotempeli naamboka ye li pondje pomweelo gwotempeli ya hala okuya meni, Ondjimbo ndjika oyi imbwa momalongelokalunga gamwe gopaituthi, ngaashi moshituthi shokudhimbulukwa eyetomo lyOshiketha shEhangano metsali lyegongalelo muJerusalem muuyuni womukwaniilwa David.

Pahapu dhEpsalmi ndika Aaisrael oya li yi itaala kutya, Omuwa Kalunga klsrael ota adhika muuyapuki we montempeli nomo moka Ye mwene ta tsakaneka aantu ye note ya yambeke. Okukala kwoshiketha shEhangano motempeli, Aaisrael oye shi tala osho endhindhiliko lyokukala kOmuwa Kalunga klsrael muuyapuki we motempeli mokati koshigwana she. Onkee oonakuya montempeli oya dhimbulukithwa oshinima shika, shokukala po kwaKalunga muuyapuki we motembeli, mokwiigidhilwa elaka ndika: “JELUTHENI ONE IYELO OMITSE DHENI, EENO, YELUKENI ONE IYELO YONALE, OMUKWANIILWA GWESIMANO A WAPE OKUYA MO!” Kepulo lyaamboka ye li pomweelo kutya: “Omukwaniilwa nguka gwesimano oye olye?” Eyamukulo lyaamboka ye li meni olyo: “Oye Omuwa omunankondo nofule, Omuwa ofule molugodhi. Oye Omukwaniilwa gwesimano, Selal!” Osho ngeyi Aaisrael ya li ya tangumuna uunenenkondo wOmuwa Kalunga kawo, unene oonkondo dhe dhokuhupitha sho e ya hupitha mo muupika uudhigu mevi lyEgipiti onoshikaha she oshidhigu nokwaako kwe kwa tangana, nokwe ya eta mevi lyeuvaneko.

Ethimbo ndika tu uka mulyo, olyo ethimbo lyAdvendi (Eyo lyOmuwa), ethimbo lyetameko lyomumvongerki, uuna egongalo lyaKalunga tali ilongekidha okudhana iituthi yokudhimbulukwa ehistori lyiiningwanima yehupitho lyomuntu kuKalunga, okuza ngaa kOkrisimesa ndongo opaasa. Mokudhimbulukwa iiningwanima mbika aakriste, aalongwa naalanduli yaJesus Kristus, shaampoka ye li po muuyuni mbuka otaa imbile Kalunga ehambeledondjimbo, oshoka oya ndhindhilika kutya, Kalunga okwe ya ningila iinima iinene, oyo noye yi nyanyukilwa. Ihe pethimbo olyo tuu ndika egongalo lyaKalunga naakriste ayehe otaa ilongekidha wo okutegelela nokutsakaneka ngoka te ya, Jesus Kristus Omukwaniilwa gwAakwaniilwa nOmuwa gwAawa, ta galuka te ya kegongalo lye.

Onkee petamekoelela lyomumvongerki, Ongerki yaKristus ayihe kombanda yevi otayi igidhilwa elaka ndika: “Omukwaniilwa gwoye ote ya, mu egululila!” Omukriste kehe polwoye oto igidhilwa elaka ndika. Yelutha ano osheelo shomutse gwoye, eeno yeluka ngoye osheelo shonale, Omukwaniilwa gwesimano a wape okuyamo. Kokutya

egululila Jesus Kristus osheelo momwenyo gwoye e ye mo, e ku etele enyanyu lyehupitho mOkrisimesa nombili Ye mOmumvomo mupe; oyo nangoye wo u vule oku mu imbila ehambeledondjimbo omolwehupitho ndyoka e li ku longele nokwe li longela ayehe mOmuwana Jesus Kristus, ngoye u mu tangele ohenda Ye. “Ndika olyo ehala lyaKalunga muJesus Kristus e li hala kutseni atuheni!” 1Tes. 5:18.

Jesus Kristus oye Omukwaniilwa, nopethimbo lyetu. Oku li nota kala omukwaniilwa sigo omuukwaaluhe. Ngashingeyi, manga tu li kevi ndika uukwaniilwa waJesus Kristus otatu u uvuko ashike meitaalo, oshoka olweendo nduka tatu ende olweitaalo kalu shi lwokumona. Ihe ethimbo onali ke ya uuna uukwaniilwa waJesus Kristus tau ka holoka polweela, ndee ayeheyehe naadhinkalunga wo taa ka hempulula nomakana gawo yene kutya: **JESUS KRISTUS OYE SHILI OMUKWANIILWA!** Eeno shili,

ohapu ya hugunina oJesus te ke yi popya esiku ndyoka sho ta ka gandja oshilongo kuKalunga He, nge a hanagulapo oonkondo adhihe naatondi ayehe nomutondi gwahugunina eso, 1Kor.15:24-26.

Okuthika sigo okesiku ndyoka Ongerki yaKristus kayi na oonkondo dhilwe dhaa shi ndhoka dhegalikano lyayo: “**ILA O-MUWA JESUS!**” Egalikano ndika, lyetegelelo, oli na okukala ewi lyeigidho lyOngerki yaKristus kevi ndika, ngashi moshituthi shokudhimbulukwa eyetomo lyOshiketha shEhangano mEtsali lyegongalelo muJerusalem muuyuni womukwaniilwa David, (2Sam.6) Eeno egalikano ndino oli na okukala mokana nomomwenyo gwomukriste kehe, manga ta tegelele Omuwa gwe te ya, ngolongo ewi enene ongolyomankuma ngashi lyu uvikile kuJohannes yaSebedeus, Ehol. 12:10: “Ngashingeyi ehupitho, noonkondo noshilongo osha ningi shaKalunga ketu nepangelo olyaKristus gwel!”, tali ka uvika ku-kehe gumwe. Amen. *Matti I. Amadhila*



Okuza kolumoho; Ritva Jussila, Kata Jouhki, omuyenda gumwe nameme Katrina moshituthi shuukongindjila muLahti. Omwa li aakongindjila 3,000. Tatekulu Jussila oye omupehakuluntu guukongindjila nameme Jouhki omukuluntu.

Twa galuka

Dha za kep. 2

meme R. Salmi, okulundulula omambo guukongindjila moonkatu adhihe melaka lyOshiwambo. Ngashi gamwe tatu ga longitha ga pwa nale nokuli.

Aagundjuka ayehe mu Elok, oya li ya dhimbulukiwa unene kaagundjuka Aasoomi. Ekundo twe li pewa Eps.63. Kalunga ngoka a tameke oshilongatamo mOwambo, sigo pwa holoka ongerki, ote shi tsikile natango sigo oonzi adhihe dha kala moshigunda.

Aandongya yaNangolo, Aakwanyama yaKanhene, Aakwambi nAangandjera naamuhe mu li mOwambo, panduleni Aasoomi sho ye mu igandjela. Omolwawo mwa ningi oshigwana hashi longele Kalunga.

Omuleshi omukwetu, sho twa taamba Jesus Kristus notu li muye, otu na oku mu hololola sigo ote ya. Mat.28:18-30.

Omukweni, Katrina Auala (Kayuhwena)

Oshoongalele shEvangeli muSwitzerland

Oshoongalele sha kula sheudifo levangeli otashi ka ningwa muSwitzerland, ngeenge Kalunga e shi hala 1974. Oshoongalele eshi shomafiku omulongo 16-25. 7. 1974 osha teelelwa shi ka kale novanhu ve fike 3,500 kumwe naavo vokatalekonawa novashangi voifo, ovatoolinghundana.

Dr. Billy Graham, omuyevangeliste a fiimana mounyuni aushe pefimbo letu, oye ta ka kala omunashipundi woshoongalele eshi. Ovalumenhu vahapu ovakwangerki mounyuni aushe ve fike 200 ove litula mo mekwafelo loshoongalele eshi.

Oshoongalele sholudi eli hauxuuninwa osha ongalele muBerlin, Ndowishilanda 1966, sha shikula ikwao oyo ya li muSingapore, Bogota, Minneapolis, Ottawa nomuAmsterdam.

Osha hoololelwa yo okangudulongekido kovanhu omilongo mbali navatano.

Elelo Iyegumbo IyaKalunga

Mokupopya elelo Iyegumbo IyaKaluna mekwatathano naKalunga nkene ta dhiladhila omuntu, otatu ipula nomapulo gatano.

1. Omolwashike Kalunga a shiti omuntu oshifetha she?

Etokolo lyotango olya ti: "Tu umbeni omuntu," sha zi monkundathana yuukwatatu waKalunga. 1Mos. 1:26-31. Omuntu okwa shitwa niikaha yaKalunga mwene, hanohapu ngaashi eshito alihe Iya shitwa. Omuntu oku na ondilo momoho gaKalunga,

Etokolo etiyali olya ti: "Tu umbeni omuntu oshifetha, e tu fe." Kaku na ngoka a mono Kalunga nando lumwe, ihe Epona ngoka a kala mekolo Iyahe, oye e mu holola. Joh. 1:18.

Nonando kaku na ngoka a mono Kalunga nokuyelitha olupe lwe, Kalunga okwa fa omuntu. Ihe shika kashi shi natango eyamukulo Iya gwana. Ondjelo yaKalunga ondjoka yi li momuntu kayi shi Iikaha noma-gulu nenge omeho nomakutsi, aawe. Oshifetha shaKalunga momuntu osho shoka Kalunga sho e mu pe oondunge, ehala newi Iyokomwenyo. Onkalo ndjika oyo ya kumitha Omupisalmi sho ta ti: Omuntu owe mu shiti kwa kamba ashike okanima okashona kowala, hanga a thika puKalunga Ps. 8: 4-6.

Oondunge ndhoka omuntu e dhi pewa oku dhi holole noku dhi longithe oku mu kwatha mokukalamwenyo kwe, opo a adhe ehapuluko nokupupaleke okukalamwenyo kwe. Muunongo we omuntu ota vulu okufoloma oshihauto oku mu endelelitha nenge okuhumbata Iinima ye. Osho wo ta vulu okutholoma oradio a pulakene uuyuni wokokulekule nenge ondhila yi mu endelelitha mbala.

Mbika oyo etompelo limwe kutya Kalunga okwa shiti omuntu oshifetha she ta vulu okutholoma sha pandunge dhe. Moshinima shika otamu monika ehala ewanawa IyaKalunga sho ta dhiladhila omuntu neikwatho Iye.


2. Kalunga ta kaleke ngiini oshifetha monkalo yasho pwaa na eyonuko?

Kalunga ota tsikile monkalo yomuntu nokugamena onkalo ye, sho e shi shi kutya omuntu ita vulu okwiikalela kee na ekwatho IyaKalunga. Iikaha ye mbyoka a shititha omuntu oyo ta longitha natango mokugamena omuntu. Onke tu na oku shi itaala kutya, aantu ayehe kombanda yeve ootaali naakaaneitaalo, oye li momake gaKalunga. Omuyapostoli Paulus ta ti:

Kaku na nando olye ta vulu okuyuga mo omuntu miikaha yaKalunga, okuninga Kalunga inaa gafa komuntu Rom. 8:31-32.

Kalunga ota sile ayehe oshimpwiyu. Omuntu sho a yono, ompumbwe yoonguwo oya holoka sigo onena. Iifo yomukwiyu mbyoka omuntu a li ta kambadhala nayo

okwisiikila ihe inayi kwatha, oya kukuta e tayi pepwa po kombepo nomuntu ta thigala natango ompwedha. Kalunga okwa tungile omuntu oonguwo dhiipa, nokwe dhi ya zaleke. 1 Mos. 3: 21. Oonguwo u dhi na odhaKalunga.



Mosikola oondunge dhopashitwe otadhi penduthwa nawa e tadhi koko dhi vule okugwanitha oshinakugwanithwa shadho. Mestela Jaako Kangai oku li koshipala shaalongwa yostanda VI moNkurenkuru.

Omuntu oku na oompumbwe odhindji ngashi tadhi holoka esiku kehe nodhi na okuyamukulwa ngaashi omuntu ta tegelele. Ohapu yEhupitho oyo oshitsa shopokati shompumbwe yomuntu. Omukulili ta ti:

"Tangotango kongeni oshilongo shaKalunga, nena ayihe otamu yi gwedhelwa ko omagano."

Omuntu okwa pumbwa iimaliwa, ethimbo nosho tuu. Oyo oshithima shesiku kehe. Omuwa Kalunga okwa lombwele Adam nomukiintu gwe: "Tala, ongame onde mu pa omimeno adhihe dhi na oonsheno, dha mena kombanda yeve, nomiti adhihe wo hadhi imi Iiyimati yi na oonsheno, odho oondya dheni." 1Mos. 1:9.

Shoka omuntu te shi ningi okukutha ashike nokulya. Iikulya oya shitwa nale, opo yl li. Nongele osha vulika omuntu a kale kee na iipalutha, mpoka ope shi okutalwa nawa kutya epuko li li peni noli li mushike. Olwindji ohatu dhimbulula epuko ohali kala momuntu mwene, sho ta kanitha ompito yelago uuna ta kala mokwaakwatathana nomushiti gwe.

Megameno IyaKalunga nomeshiloshimpwiyu Iyoompumbwe Iye, omo amuke mu na eyamukulo Kalunga nkene ta kaleke omuntu monkalo ye pwaa na omayonuko.

3. Omuntu ota longo ngiini mekwatathano nOmushiti gwe?

Olwindji omuntu miilonga ye yesiku kehe iha dhiladhila unene ngele ta pu-

mbwa okukala mekwatathano nOmushiti gwe. Omupsalmi David okwa hala e tu dhimbuluthe kutya esiku kehe omuntu e li pewa olyOmuwa nokwe li pewa ashike omagano.

"Omutenya ogwoye, nuusiku owoye wo. Ongoye wa shiti uuyeleele netango." Ps.74:16.

Omuntu okwa nyengwa okuyematela esiku IyOmuwa sho Iya hepa owala. Oyendji

oya yemata ashike ngeyi: O, onda yemata sho esiku Iyandje Iya hepa owala." Nenge, "Ethimbo Iyandje olya hepa miinima yaa na omutse nondungu." Esiku ngaashi wo ethimbo mbino ayihe oyOmuwa.

Oho tula ngiini esiku IyOmuwa melandulathano? Sho to zi miinguma nowa dhimbulula owa vululukwa nawa u shi oku ka tameka iilonga oshike u na ando oku shi ninga tango?

Okuhamblela Kalunga sho e ku vululukitha nawa, nokwe ku pe esiku epe. Konima yokuhamblela, onawa okugalikana Kalunga a yambeke iilonga mbyoka to ka longa, ye a kandule po iiponga miilonga yoye. Omukulili ta ti:

"Indileni otamu pewa, kongeni, otamu mono, konkoleni otamu egululwa. Mat.7:7-8

Inashi opala omuntu a tule iilonga komeho gaKalunga, ihe Kalunga a mone ehala lyotango mesiku. Omupsalmi ta ti: "Omuwa ngele ita tungu ongulu, aatungi otaa ihepeke owala" 127:1-2.

4. Omuntu ota dhimbulula ngiini uunelago we?

Olwindji shono tashi holokele momadhiladhilo gomuntu tango osho oluhepo lwe, nando na kale e na sha tashi dhimbululwa kuyalwe. Omukulili ota longo aalanduli ye ya yande okwaagwana sho ta ti:

"Kaleni ano mwa gwana mwa pwa, ngaashi Ho yeni yomegulu a gwana a pwa." Mat. 5: 48.

Okugwana kwomuntu, omuKalunga taku zi. Otatu gwana ngele tatu dhiladhila iinima yimwe mbyoka yi li popepi natse aluhe, unene tuu ngele tatu yi kwatakani-tha noondunge ndhoka twe dhi pewa ku-Kalunga omo tatu mono omayambeko ga-Kalunga. Shoka otashi ti; omudhingoloko gwetu ugu udhilila omayambeko gaKalunga.

Omayambeko gamwe otu ga na moondjuhwa. Oyendji oya hémpulula kutya onduhwa nge otayi paluthwa nawa, otayi vulu okuvala sha pita pulutatu momumvo. Noshilambo shimwe otaa ti ohashi vulu okuza uuyuhwena omulongo nuuyali.

Ondjuhwa yimwe otayi vulu okweetela mwene gwayo oondjuhwa omilongo ndatu nenge dhi vule po momumvo. Nongele owa yelekele okumuna oondjuhwa ne, e to kala noku dhi palutha nawa, oto ka likola oondjuhwa dhi vule ethele limwe momumvo. Oondjuhwa ndhoka odho iipalutha yoye, nongele to dhi landitha po kehe yimwe 40c, nena oto ki imonena R 120 nenge shi vule po.

Ngele ishewe wa tokola okumuna oondjuhwa u landithe omayi nondando ndjoka oyendji taa landitha 5c momayi gaali, nena esiku kehe oto likola 10c, oshoka onduhwa ohayi vala esiku kehe eyi limwe. Nena momwedhi oto ka mona R 3.00.

Ano ngele oondjuhwa dhoye ne ohadhi ku etele R 3.00 komwedhi, komumvo oto ka likola R 36.00.

Mpaka ndhindhilika kutya, nando iimaliwa mbyoka tayi zi momayi kayi shi oyindji, nokuyeleka naambyoka to landitha po oondjuhwa dho dhene, oshilonga shokulanditha omayi kashi na uupyakadhi u thike pumboka wokutekula oondjuhwa dho dhene. limaliwa yondjuhwa oyindji, oshoka omulandi okwa yalulila mo uupyakadhi mboka a li nawo wokupalutha nokukeelela uukodhi nomakola.

Mokati ketu omu na aantu haa lili oluhepo lwiimaliwa. Eipulo lyandje oondika kutya omolwashike itaaya longitha ompito ndjono yokumuna oondjuhwa? Oto adha gumwe ta ti, okwa nyengwa kiigandjwa yegongalo mbyoka tayi vulu ashike okusiikilwa koondjuhwa mbali ngele omukiintu nenge kundatu ngele omulumentu,

Ndishi omuntu oku na ompito okuyoolola nando onduhwa yimwe yi ninge ya-Kalunga moondjuhwa dhe? Itayi vulu nani oku mu kwatha kaa ye moongunga dhegongalo? Ndhindhilika wo kutya Kalunga noondjuhwa dhe modhoye ote dhi yalula, oshoka kehe tuu ngoka a pewa oshindji, ota pulwa wo oyindji Luk. 13: 48.



Omuwilikingerki Otto Milk nomukulukadhi gwe ngoka a etha po oshilonga shewiliko omoluunkundi wolutu numvo. Okwa longo ethimbo ele muSuidwes mosikola yaayevangeliste noyaasita mOtjimbingwe. Okwa kala omuwilikingerki mOngerki yAandowishi konyala uule woomvula ntano. Mluunkundi we ota shuna numvo kuNdowishilanda.

Omumbisofi Auala a yamukula omapulo gaagundjuka

Moshigongi shaagundjuka yongerki ayihe numvo mOnyaanya, omumbisofi, Dr.L. Auala, okwa li a mono ompito yokuyamukula omapulo gamwe gaagundjuka ngaashi taga landula mpaka:

Aagundjuka: Omolwashike tatu lombwelwa inatu kala nongunga yomuntu, shila oyokuholathana? (Lya za mOmbimbeli)

Omumbisofi: Oongunga dhiimaliwa nenge odhlinima yilwe mbyoka, omuntu ota vulu oku dhi futa e tadhi pu po. Ihe ohole yokuhola omuntu omukwawo ndjoka kape na gumwe ta vulu oku yi futa e tayi pu po. Tse otu na okuholathana aluhe kape na oongamba.

Aagundjuka: Omolwashike omugundjuka ti indikwa ya hokanathane nomuntu kee shi gweitaalo lye?

Omumbisofi: Kaku na eutho lyeindiko moshinima shoka.

Aagundjuka: Okanona ka sa okashona ko inaka shashwa, otaka ka hupithwa tuu?


Omumbisofi: Walyewo, kandi shiwo.

Aagundjuka: Omolwashike aasitagongalo taa keelele ishewe ookefe dhi dhikwe pooha noosikola. Oye na ngaa uutheмба wokukeelela omahala?

Omumbisofi: Oshimpwiyu shaasita oshi li molwoomwenyo dhaanona. Omupuli ngiika okwa hala eyonuko.

Omolwashike Epangelongerki lya lundulula Kleopas Dumeni a ze mewiliko lyaagundjuka lyo inali pula tango aagundjuka?

Omumbisofi: Dumeni okwa li a hogololwa kaagundjuka nenge okEpangelongerki? Pakutseya kwandje inandi mona nando omugundjuka gumwe kwa li ta longwa Epangelongerki li langeke Dumeni moshilongo shika, olyo lyene lya talele ngoka ta opalele, ngashi lye shi ningi wo nokuHeikki Ushona.



Otempeli yaapagani moka omagano gi ili nogi ili haggandjewa iimenka.



Omupresidende gwOngongahangano yAakwaluther, Prof. Dr. Mikko Juva, gwaSoomi. Oye omutitano mokuwilika ongonga ndjoka okuza uuna ya dhikwa 1947.

OVAKWALUTHER OTAVA HAPUPALA


Evalulo lovakriste Ovaluther loneudo ole shi ulika kutya omuvalo wavo otau londo pombada omudo keshe. Mekonakono eli ova hapupala nomuvalu 267,000 nde ave-she kumwe ove fike paife peemilyona 73 netata.

Ekonakono eli ola ningwa nola shiivifwa kombelewa yokuyandja omauyelege yomOngongahangano yOvakwaluther, muGeneva.

Eengerki dihapu dOvakwaluther oda foloma ongongahangano yado nomu na eengerki di fike 84 di na oilyo 54,455,895. Ndowishilanda moshilongo osho mwa dalwa oukwaluther omo tamu hangika fiyo onena Ovakwaluther vahapu, opo taku shikula oilongo yomoumbangalanhu waEuropa. (Skandinawië).

MuAfrika oshilongo sha nyika oukwaluther oshaMalagasi, sha shiivika Madagaskar omo mu na eepelesenda 37, opo ku shikule Tanzania. Ovakriste vahapu mounyuni aushe, Ovakatolika kaRoma, ko taku shikula Okatolika kokoushilo (Ortodoks) opo nee Ovakwaluther ovatitatu. (Lwi)

Omuyevangeliste Josef liyambo ngoka a yakula aamati yomokomboni yaTsumeb moshilonga shevangeli, okwa langekwa ishewe kEpagelongerki mOtavi pehala lyomuyevangeliste Frederik Hihihwa ngoka ta ka tameka osikola yuusita omumvo tagu ya mOwambo.



Yatatu melundululo lyOmbimbeli yOshindonga

Omugundjukalela Lovisa Mungolo (20) okwa gwedhelwa miilonga yokulundulula Ombimbeli nota kwatha aasitagongalo yaali, Rev. Eino Amaambo, Omuwiliki gwoshilonga na Rev. Matti Amadhila.

Lovisa okwa piti mosikola yuutekuligumbo mEngela pehulilo lyomumvo nguka moka i idheula nawa okutopatopa. Ope na etegameno enene okweendelelitha oshilonga shoka kekawatho lye.

Tate Amaambo ota ti kutya ngele inapu ya uupyakadhi, tau kala oshilonga shoka moshipala, ngoka ta ka thika 1978 ota ka lesa Ombimbeli ayihe ya tolokwa melaka lyoshinanena.

Etumo mongerki za Elok

Ekundo lyange lyeli pomuhowo tani kundu nononkango daKarunga. Vakwetu vakriste vokuhara mwajesus Kristus. Tareni mevangeli Markus 13:1-3 asi ngapi Jesus gatende.

Vakriste vakwetu Jesus gatu hara tu ze kwendi. Age atu nonge gatu hara tu ze kwendi. Age atu nonge nonkango datate meguru. Nonkango daKarunga nongwa unene. Kurunga nondunge hewa tara Eps. 111:1-4 Karunga ta uyunga nose natuvenye mepongero lyetu asi:

Tu huguvare nonkango daKarunga. Rusumo rokupandura kapi ono kuru dimba? Hewa mukriste rudimba ipo opandure Karunga tara moRusumo 186. 1-2. Vakwetu tani mu harere etungiko. Ame mumatigonga tupu *Abia Samuel, Nkurenkuru.*

OSHINGONGINGERKI 1973

Oshingongingerki mongerki ndjika osha tegelelwa shi ka ningwe mballa petameko lyomumvo tagu ya 1973. Nando elandulathano inali ningwa manga, ngiika oshikundathanwa tashi ka kala sha simana moka osho ehogololo lyomumbisofu omutiiali mOngerki, nenge omupehawilikingerki.

Halwo lwotango ongerki tayi kundathana oshinima shika. Moshingongingerki mOkahao 1969 okwa li wo oshipopiwa shika, moka omadhiladhilo nomainyengo omolwoshinima shoka ga li ga hogololwa. Omauthompango nosho tuu iniima yilwe oya li yi imbi okuya muule womadhiladhilo gomumbisofu omutiiali mongerki.



VA ONGELELA OSHILONGATUMO

Eeranda efele nomilongo hetatu naimwe oda ongelelwa oshilonga shetumo osho tashi longwa kovanyasha mongerki ya Elok. Ovamati ovaunguli mOvenduka ova kala nelitulomo linene opo va monene oshikefa shovanyasha oikwafa. Koupenda wavo R181. 84 oda ongelelwa kuvo. Eongelo ola li ngaha:

Ovo hava ongala mokomboni 50.00

Ovo hava ongala koKlein Windhoek 33.70

Eengudu edi nhatu keshe imwe oi na ewilikongudu layo (omutima wongudu) ou hau eta alushe omaudjuu nomafaneko oilonga yoshongalele shavo. Omudo keshe ova xwama mokwoongelela oshilongatumo. Ohava tumu yo omukalelipo wavo fiku taku ningwa oshongalele shovanyasha mongerki aishe. *Abraham Haileka*

Okatongo ka popilwa kongerki puEscher

Ngashi oongundu dhi ili nodhi ili, aatiligane naaludhe ya holokele koshipala sha Dr. Alfred Escher, omupeha gwaAmushanga gwiigwana yuuyuni Dr. Waldheim okuholola omadhiladhilo gayo, ongerki yOombulu muSuidwes, (N. G. K.), oya fala ko wo omadhiladhilo ngaka.

Omikalo dhaa shi dhopakriste hadhi ningilwa aaludhe kaatiligane mevi ndino, oshinima kaashi shi shaaluhe, ihe ohashi ningwa oolumwelumwe, ngaashi shi li wo miilongo ayihe.

Aawilikingerki oya ti kutya, itaa zimine omadhiladhilo ngoka taga ti okugwanitha oshipango shohole okwiikwakanitha nonkalathano yesiku kehe. Ehumithokomeho lyondiikalela oloyo alike tatu koleke shimpa tuu tali ningwa mombepo ombwanawa.

Aawilikingerki yane, omusitagongalo P. C. van Rooyen, amushanga gwoshigongingerki shawo; omusamane S. Murray; omusamane P. D. Strauss, amushanga gwoshilongatumo nomusitagongalo M. M. Nieuwoudt, omugandjindunge miinima yopangerki, oyo ya li moonkundathana ndhika.

Kombinga yomukalo gwondhalate aawilikingerki oya ti kutya yo oya dhimbululanga iinima yimwe tayi sitha oluhodhi ngashi wo miilongo yilwe, ihe mu S. A. ngele itashi lundululwa, uudhigu otawu ka nenepala, unene aaludhe oyendji sho taa ka indjipala miilando.

Aawilikingerki oya ti wo kutya kombinga yomagumbo gaaludhe, yomu S. A. oge shi okuyekekwa naanaa naangoka gomueuro. Oya ti natango kutya ongerki nayo itayi zimine kehe shimwe tashi ningwa kepangelo, oshoka yo kayi shi ongerki yoshilongo.



Dr. A. M. Escher

Ovalaule kave shii kulipangela ovo aveke

Shimha tuu ovalaule tava kala ovo aveke muAfrika, itava shiiva kutya ove na okulipangela ngahelipi. Oinima otai ka nyonauka, oto ka haluka tava kondjele neenhele domaulfilo omukalo ou tau ka xulila mefyo.

Eshi oshikalimo shombilive ya shangwa kounona vofikola yekoleko vongerki yOvandowishi mOtiwarongo, ei ya tumwa kehangano leengerki domounyuni (WCC).

Ounona 20 oumati noukadona ova shanga ombilive ei metamaneko lehanganolo eshi tali kwafa omahanganolo ovakondjelimanguluko. Ounona ova ti kutya luhapu ovanhu ovo kave li nande meshikulafano, ove na okahalu kolwoodi, ihava yavelele nande omwenyo umwe nge wamumwaina.

Ova ti natango kutya Ehangano eli ngeenge ola hala okukwafa ovanhu ovo nava pule tete ouyelele, oyo va mone kutya mboli moshilongo shetu kamu na nande owil ngaashi tau hokololwa.

Ova twikila ngaha kutya, Ovalaule moshilongo eshi ova manguluka, ve na omaduumbo avo, tava i keefikola davo, tava longo, fye hatu va futu. Katu li navo ngaashi ovapika.

Ombilive oya kumalda neenghono Ongerki i popye ashike Kalunga shi dulife okukufa po ombili moshilongo. Ova kumwa yo

eshi alushe otaku popiwa ashike omahepeko ovalaule ko ihaku popiwa omahepeko ovatiliane moilongo imwe oo ombilive ya ti kutya ova hepa ve duliike kokule kovalaula moshilongo eshi.

MuAguste okomitiye yEhangano leengerki neudo muHollanda oya tokola i wedele oimaliwa komahanganolo taa kondjele emanguluko okudja poimaliwa yoshiyamerika eedola 500.000 fiyo omiliyona imwe, (1,000,000).

Ombilive ei oya pendula ovanyasha vongerki yovadalelwamo mOtiwarongo (ELK) nde tava nyamukula ovanyasha vOvandowishi kutya, omahokololo avo kae na omatomhelo, osheshi inava shiiva natango eshi tashi linyenge momidingonoko dovalaule nomomaduumbo avo. "Kave shii onghalo inyanyalifa ei tu li muyo, naashi hatu ningilwa apa."

Ova twikila natango tava ti kutya oonona ovatiliane ohava longwa okudja petameko lela oku tu ifana eekafala novanhu tava shunduka. Momaumbo etu omuneumbo lovanhu ve dule vahamano fiyo omulongo oha xwelwa mokokololo kamwe akeke keumbo. Katu na emanguluko lokweenda medalwadu. Osho ovanyasha ovalaule va shangana.

Ondjala onene muNew Guinea

Ondjala onene oya holoka muPapua, New Guinea moka aantu 63,000 taa hupu ashike kushono tashi zi miikaha yepangelo. Ehangano lyongerki adhihe muuyuni (WCC) otali indile kiilyo ayihe yehanganolo noshu tuu komahanganolo galwe iimaliwa yokukwatha aasindjala mboka omwaalu gwawo tagu tana esiku nesiku.

AALELI OYENI TAA KA HOGOLOLWA MOSHIGWANA

Paufilosofi woombulu eipangelo oshimbele komuludhe nomuludhe okanona haka pewa oshimbele ngele ka koko. Osho e na okweendwa mukupewa eipangelo. Itashi kumitha ngele omalenga gepangelo lyaSuid-Afrika taga shiti iitya iipe mokuholola shoka tashi ningilwa epangelo lyOwambo, oshoka kali na manga eipangelo.

Eipangelo lyevigumbo oli na owala eidheuloipangelo. Oshigwana naawiliki yasho osha ponyonenwa ashike ompito yokwii-dheula nkene nashi ki ipangela, ihe uuna eipangelo lyo lyene tali gandjwa shoka oKalunga mwene e shi shi.

Onawa sho tatu hogolola aawiliki ye ki idheule mepangelo lyOwambo. Mokuhogolola tu kotokeleni iinima mbika:

(a) Uukatalume woshiludhe: Omuludhe nge ta li ta kuta iha ehamekwa kumukwawo e li mpeya ta li ta pi. Uunkundi mbuno aatiligane yoshege oye u kutha mo nawa nohayu u longitha tuu shili mokati kaaludhe. Naku hogololwe ano aawiliki ye shi kuyola ngele oshigwana otashi yolo, ye shi okulila ngele oshigwana otashi lili noye shi okupula ngele oshigwana otashi pula.

(b) Naku hogololwe aawiliki ye na omadhiladhilo ge shi okusinda egwaleko (brainwashing). Iilongo yi na opolitika itayi opalele aapangelwa, ohayi longitha noonkondo embembeleko, hali tanauna omadhiladhilo gomuntu a taambe ye a popile shoka ye mwene inaa hala.

Hogololeni ano mengungumano lyuunongo.

HAMBA MUPANGELI HAMBELELWA

Hambelwa Kalunga ketu sho wa hambata sigo onena ndjika tse aantu yoye twa nika uulunde. Ngashingeyi otu li pehulilo lyomvovo 1972, nando pwa li omakemo, omadhigu, omakokoloto, omatilithathano, ongashi oshigwana shoye sha lundilwa.

Ayihe oya piti ngaashi etutu tali yi ombepo. Tse otu na omukumo kutya mboka u ya hole oto ya dhenge ngoye mwene. Tse inatu tala noinatuna ninga omwenyo omwiinayi, oshoka otu na ngoka e tu sindile, Hamba Mupangeli.

Ligolelwa Kalunga sho wa gandja omaganogelago koshigwana shoye. Koleka aamati yoye ya longepahalo lyoye ngaashi ngoye mwene we ya yapula mEndola 1972. Etangohenda lyoye oto li pitihile aawinayi naawanawa.

Kalunga kandje, otandi ku hambelelele uwanawa owindji wa ningile aantu yoye tse aaludhe twa dhinwa nayi kaashitwa ooyakwetu. Miiipangelo ayihe mOwambo aantu yoye oyendji oya aluka, naamboka we ya ile po, Kalunga shika otatu shi ku hambelelele.

Tangi sho we tu pe aaleli yetu ye tu lele pahalo lyoye, ngashi sha popiwa megalikano enene lyongerki. Ya kwatha Kalunga ketu yaa hokwe esimano neliko lyuuyuni mbuka. Ya longa okuhokwa oohapu dhoye nokulonga iilonga yoye pahalo lyoye.

Ligolelwa sho tu na aasitagongalo, ligolelwa sho tu na aapangi, tangwa Jehova sho tu na aayevangeliste, ligolelwa Kalukga sho tu na aalongiskola, tangwa sho tu na ehala okukala pungoye. Julius Aatu Nakanjala

NYOLITHA OSHIFO SHOYE MANGA KUYELE.



Lukas Mwahangeshapwa naHileni Amunime o-ya dhike egumbo lyawo numvo mOngwediva.

SUIDWES NATANGO OLI LI MOMBIYA

Epangelongerki ola koleka natango e-faneko lovapashukili voitangerki eshi va dimbulukifa ku ningwe natango o-mailikano nomailikaneno omolwovanhu vedu eli nomolwefimbo eli edu li li mombiya tali kundafanwa.

Oitwa imwe ya dja meenghundafana doministeli yotete ya S.A. nomutumwa wa V.V.O, Dr. Escher, oi li ngaha:

- Ku ningwe epangelo loukumwe moshilongo ashishe.
- Ovalaule va mone yo oufemba wokutya sha moinima yoshilongo no wokweenda noyonghalelo.
- V.V.O. a tume natango ovakundafanifi kuSuidwes.
- Eeveta dimwe dokatongotongo di ku-

- fwe po.
- Ku ningwe ehoololo moshilongo ashishe ye V.V.O. a wilike ehoololo olo fimbo epangelo loukuwe inali ningwa.
- Ku hoololwe okangudu kovanhu ta va di moiwana aishe yaSuidwes. Ovatilyane nOvalaule ka kale taka kwafa moinima yepangelo ponhele yepangelo

lovatilyane muNamibia taka wilikwa koministeli ya S.A.

Dr. Escher mwene okwa holola ku Dr. Waldheim kutya ngeenge ye (Escher) ta ka twikila natango noshinima eshi, ota ka wanififa omafaneko aa a ningwa po nde ota ka ya vali moinima ei inai fikwa natango (Advertiser, 17.11.72).



AFRIKA LYUUNINGININOLUKADHI

OMBILI YAKALUNGA

Efaneko la dja moshongalele shovapashukili voitangerki eshi sha ongalele mOngwediva 7-8. 11. 1972 nola pita moshongalele shovafita sha ongala mohani oyo tuu oyo nde tashi ka kolekwa kEpangelongerki, okwa ufwa ongerki novaitaveli vayo va humbate momadiladilo avo enenediladilo eli "Ombili yaKalunga" omudo aushe.

Kakele koshipalanyolo eshi sha fimana ngaashi sha kufwa momukanda womuyapostoli Paulus kOvafilipi 4:7, ombili yaKalunga i ngungumaneke eemwenyo detu, osheshi oyo aike tai dulu oku tu pa اونونو nomaye, oshongalele shovapashukili osha indila natango kEpangelongerki ku totwe omailikano e lili noku lili nokwiilikanena ovanashilonga ve lili nove lili, unene okwiilikanena omafimbo e lili noku lili ngaashi yo eli tu kwete paife medu letu.

Okudja 1966 ongerki oya hovela okufila oshisho eemwenyo dovakali vomedu eli noku va twala koshipala shaKalunga moisho yavo momailikano. Oshongalele shovapashukili otashi dimbulukifa ashike oshinima eshi kwaavo va kala va humbata oshisho eshi, va twikile natango noudiinini.

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse
Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omu-
mbisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika
R1.00, kombanda yomafuta R2.00
Oondando nomambestelo naga tumwe kOmu-
kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otashi futwa R1.90
oondelmi 3 otashi futwa R2.70
oondeimi 4 otashi futwa R3.40
oondelmi 5 otashi futwa R5.00
Oto vulu okutuma wo efano lyaashono wa hala
shi tseyithwe.

Owambokavango Church Press
P/B 2013 Ondangwa, S. W. A.